

- 1' Solt gott nach vnserm willen machen
- 2' Vbel ging es jn allen sachen
- 3' Wir wurden weynen me dann lachen



Von wider gott reden

- 1 Der ist eyn narr / der macht eyn für
- 2 Das er dem sunnen schyn geb stür
- 3 Oder wer fackeln zündet an
- 4 Vnd will der sunnen glast zû stan

5 Vil mer der gott strofft vmb syn werck
 6 Der heißt wol Henn von Narrenberg
 7 Dann er all narren übertrifft
 8 Sin narheyt gibt er jn geschrift
 9 Dann gotz gnad vnd fürsichtikeyt
 10 Jst so voll aller wissenheyt
 11 Das sie nit darff der menschen ler
 12 Oder das man mit rûm sie mer
 13 Dar vmb o narr / was straffst du gott
 14 Din wißheyt ist gen jm eyn spott
 15 Loß gott dún synem willen nach
 16 Es sy gúttât / stroff / oder rach
 17 Loß wittern jn / loß machen schön
 18 Dann ob du joch dar vmb bist hõn
 19 So gschicht es doch nit dester ee
 20 Din wúnschen dút alleyn dir wee
 21 Dar zú versündest dich gar schwår
 22 Vil wáger dir geschwygen wer
 23 Wir betten das syn will der werd
 24 Als jnn dem hymel / so vff erd /
 25 Vnd du narr wilt jn stroffend leren
 26 Als ob er sich an dich múst keren
 27 Gott weiß all ding baß ordinieren
 28 Dann durch din narrecht fantisieren
 29 Das jüdisch volck das lert vnß wol
 30 Ob gott well das man murmlen sol
 31 Wer was syn ratgeb zú der zyt
 32 Do er all ding schúff / macht vß nüt
 33 Wer hat jm geben vor vnd ee
 34 Der rûm sich des / vnd stroff jn me

16 sy *GW5046 GW5047*] *fyg GW5041* 25 stroffend *GW5046 GW5047*] *ftroffen GW5041*